

# **AGENDRE TRINITATIS**

## **MINGGU 06 OKTOBER 2024**

### 1. FANGOWAI BA FOGAONI

*(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).*

- Fangowai** :  
**SA** : Ya'ami banua Zo'aya, Ya somuso tödö ba sowuawua tödö ami ba we'amöi föna Keriso ma'ökhö andre. Ma'owai Ami fefu, : Ya'ahowu.  
**SATO** : Ya'ahowu !  
**SA** : Ya faofao khömi Lowalangi...  
**SATO** : Ya fao Khöu Geheha-Nia  
**Fogaoni** :  
**SA** : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 16**

### 16. NISUNO LOWALANGIDA SAHAKHÖ TÖDÖ

do = d 4/4

MM = 96 - 104

1. Nisuno Lowalangida, sahakhö tödö ba niha,  
 Me sangerogö Yehowa, niha ba gulidanöda, si no elungu taya.  
 Duhu, duhu, möi Keriso no moroi ba mböröta.  
 wogaoni si no elungu, I ' efa ' ö horö fefu.
2. Sahakhö tödö Zo'aya, khöda fefu sowanua, si so ba gulidanö.  
 Ya'ia zindruhu haga, ba wohagaini tödöda, ba wa'ebua dödö.  
 Duhu, duhu, Ihagaini, Ifoloi zogömigömi, ena'ö oi tebohouni.

### 2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):  
 No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....
- SATO** : YADUHU  
**SA** : Ba u'ila Zo'aya, si dadao ba dadaoma sebua, si no alawa: anönö gosali ahe mbaru-Nia, önö gafi zamösana. Dua mbalubalu mbawa ba dua mbalubalu gahe ba dua ba Wehombo. Ba faoma lamane-mane we'ao khö nawöra: Ni'amoni'ö, Ni'amoni'ö, Ni'amoni'ö Yehowa ngahönö andrö; no anönö lakhömi-Nia guli danö ma'asagörö. HALELUYA.....

**SA** : **Manunö** : BZ. : 452

**Haleluya..... Haleluya..... Haleluya.....**

- SA** : Mangandrö ita :  
 He Yehowa Lowalangi Ama, Ono ba Eheha Ni'amoni'ö. Möiga mangalulu ba wangandrö saohagölö me no Örorogö, Ö'orifi, ba Öbohouniga fa'omasi-Mö andrö. Ma'andrö khö-U, tohugö wa'ebua dödö-U khöma, rorogöga ba ngawalö de'ala, efa'öga ba wanandraigö, rara dödö bangawalö gabula dödö, tundrehehi faböi alau ndra'aga. Fatöröga ba zomasi Ndra'ugö irugi gamozua, fa makhamö nahia ba zi so Ya'ugö. Si lö mo'aetufa nisuna ba nifolakhömi Ndra'ugö, awö Zo,aya ya,aga Yesu Keriso ba Eheha Ni'amoni'ö, Yaduhu. **(Mudadao zato)**

### 3. MANUNÖ moroi ba Mbuku Zinunö Numero 241

241. TAHONOGÖ DÖDÖDA 1

do = bes 4/4

MM = 96 - 104

1. Tahonogö dödöda, föna Lowalangi Ama.  
Ta ' andrö saoha gölö, mbuala si no tatema.  
Tafosumange Nama, me solomasi Ia.
2. Tahonogö dödöda, föna Lowalangi Ama.  
Da tatunö khö-Nia, ngawalö golalöwada.  
Na mangesa dödöda, Ibè aefa horöda.

#### 4. FOMBASO TAROMA LI LOWALANGI FAMÖRÖGÖ (AF)

: Da tafondrondrongo daroma Li Lowalangi, tehalö moroi ba zura **II Moze 20:1-17**

1. Ba iwa'ö daroma li andrö fefu Yehowa, imane:
2. Ya'odo Yehowa Lowalangi, si no mangeheta ya'ugö ba danö Miserayi andrö, ba zi no möi sawuyu ami.
3. Böi so khömö Lowalangi tánö bö'ö, baero ndra'o.
4. Böi fazökhi khöu nadu, ba he famaedo hadia ia, he si so si yawa ba mbanua, ba he si so si tou ba guli danö, ba he si so ba nidanö, barö danö.
5. Böi angalulu khönia ba böi fosumange ia, me no Lowalangi solohu ndra'o, ya'odo andre, Yehowa, Lowalangi, sanguhuku horö ndra ama ba ndraono ba ba ma'uwu mitou, khöra si fatiu tödö khögu,
6. ba si hakhösi tödö sangomasi'ö ya'o ba solo'ö oroisagu; irugi hönö nga'ötö.
7. Böi tötöi döi Lowalangi Yehowa ba waya; lö'ö sa zi lö ihuku Yehowa zanötöi töinia ba waya.
8. Ame'egö tödö luu wolombase andrö, ba we'amoni'ö ya'ia.
9. Önö ngaluo mohalöwö ndra'ugö ba öhalö halöwöu fefu.
10. Ba ero fitu bongi, ba luu wolombase khö Lowalangi Yehowa; böi babaya hadia ia halöwö ba da'ö, he ya'ugö, ba he onou matua, ba he onou alawe, ba he sangai halöwö khöu ira matua ba he sangai halöwö khöu ira alawe, ba he uriföu, ba he si fatewu khöu ba mbanuami bakha.
11. Önö ngaluo sa mege khö Yehowa, ba wamazökhi banua si yaw~a, awö danö, awö nasi, awö nösira fefu; ba ba luu si fitu, ba no molombase ia. Andrö wa no ifahawu'ö luu si fitu andrö Yehowa, ba no i'amoni'ö.
12. Fosumange namau, awö ninau, ena'ö anau nosou ba danö, nibe'e Lowalangi Yehowa khöu.
13. Böi ange'e.
14. Böi ohorö.
15. Böi anagö.
16. Böi böbögö khö nawöu zi lö duhu.
17. Böi isö nomo nawöu. Böi isö wo'omo nawöu ba he sangai halöwö khönia ira matua, ba he sangai halöwö khönia ira alawe, ba he öröbaonia, ba he kudonia, ba he hadia ia, fefu, nibayabaya nawöu.

Simanö daroma Li Lowalangi, da tatema'ö faoma sinunö: BZ.Numero 20:1

#### BZ. No: 20. MISUNOSUNO ZO'AYA

1. Misunosuno Zo 'aya, mi bè zumange-Nia.  
Mi 'ebua 'ö döi-Nia, sotöi banua-Nia.  
Me no Ikaoni göi ami, afu mitemawa'au ri, khö Yesu, Sangorifi.

#### 5. FANGANDRÖ FANGEFA HORÖ

SA : Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

**Mangandrö ita :**

He Yehowa Lowalangi, si lö ambö fa'abölö, ba si no fahöna fa'omasi. Mafaduhu'ö wa tenga sinangea ndra'aga tanö föna-Mö, me no fahöna höröma si no mafalua i'otarai iraono ndra'aga, he ba wehedema, era'era dödöma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma horöma andrö si no mafalua, irege sohahau tödö ndra'aga wanohugö fekolima ba zi so fönama si faudu ba zomasi Ndra'ugö. Hakhösi dödö-U khöma Ama, ba be'e aefa khöma horöma andrö ma'afefu, Yaduhu.

**SATO** : Manunö : BZ. Numero 224 : 1

## 224. NA'UBINI'Ö HORÖGU KHÖ YESU

1. Na'ubini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

**SA** : **Turia Wangefa horö** : "Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö.  
LAKHÖMI KHÖ LOWALANGI SI YAWA.....

**SATO** : Manunö:

## 450. BA FA'ATULÖ BA GULIDANÖ

1. Ba fa 'a tulö ba gulidanö ba niha ni'omasi 'ö andrö  
(mudadao zato)

### 6. FOMBASO TAROMA LI LOWALANGI FÖNA HUHUUO (AB)

- : Da tafondrondrongo daroma Li Lowalangi, tehalö moroi ba zura **Mareko 6:38-50**
38. Imane khönia Yohane: He samahaö, no ma'ila zamösa, sanötöi töimö, wamofanö bekhu, si lö molo'ö ya'ita, ba no matenawa ia, me lö i'o'ö ita.
  39. Ba imane Yesu: Böi mitenawa ia; tebai sa ilau hadia ia dandra, niha, ba döigu, ba i'anema'ö zui i'o'aya ndra'o.
  40. Ha niha sa zi lö fa'udu khöda, ba no awöda.
  41. Ha niha sa zame'e nibadu khömi zamba mako idanö, ba döigu andrö, me khö Keriso ami, ba si ndruhu niwa'ögu khömi, lö aekhu luonia.
  42. Ba na so zangalani side'ide andrö samati, samösa, ba ebua mohare ia mena'ö, na labe'e ba mbaginia gara sebua ba na latibo'ö ia ba nasi.
  43. Ba na i'alani ndra'ugö tangau, ba tema ewa ia; mohare ndra'ugö, na ha tambai dangau, ba ökhamö wa'auri, moroi dua dangau, ba möi'ö ba narako, ba galitö andrö, si lö matemate,
  44. ba zi lö matemate gukuö andrö khöra, awö galitö andrö.
  45. Ba na i'alani ndra'ugö aheü, ba tema ewa ia, mohare ndra'ugö, na sakelakela ndra'ugö, ba ökhamö wa'auri, moroi dua gaheü, ba tetibo'ö ba narako,
  46. ba zi lö matemate gukuö andrö khöra, awö galitö andrö.
  47. Ba na i'alani ndra'ugö höröu, ba tema köe ia, mohare ndra'ugö, na bakole ndra'ugö, ba ökhamö mbanua Lowalangi, moroi dombua höröu, ba tetibo'ö ba narako,
  48. ba zi lö matemate gukuö andrö khöra, awö galitö andrö.
  49. Ni'asioni alitö sa dania ira fefu.

**50. Si sōkhi nasio andrō; ba na taya wa'asi'asi nasio andrō, ba ha mibe'e fangasingasia? Bōi zi lō asio khōmi ba dōdōmi, ba bōi fa'udu'udu ami.**

Ya'ahowu zamondrongo taroma li Lowalangi ba same'e ba dōdō.

**SA+SATO** : Yaduhu

**8. FASÖMBATA**

**SA** : Iada'e tebe'e khōda ginötō ba wolohe fasömbata si sambua ni'ofulu khō Lowalangi. Nidōnia'ō Pdt.Pengkhotbah.

**SA** : Iada'e tebe'e khōda ginötō ba wolohe fasömbata khō Lowalangi. Ta'osamuzaigō wame'e, he fasömbata si föfōna, ba simanō göi zi mendrua awō zi medölu. Ba si föfōna ua da tafondrongo Li Lowalangi me imane:

❖ Same'e sumange fangandrō saohagölō, da'ō zamolakhōmi Ya'odo, ba zi lō sinegu ba mbuabuania U'orama'ō wangorifi andrō khō Lowalangi.

**SA** : Tafa'ema wasömbata khō Lowalangi, manunō ita moroi ba Mbuku Zinunō **Numero 230**

**230. U' ILA WA NO FA' OMASI** <sup>1</sup>

do = f 3/4

MM = 96 - 104

1. U' ila wa no fa' omasi, zi falukhado khō-U, Yesu.  
He'wa' ae tenga sinangea, na dali gamuatagu.  
Me no aefado ba wōnu, andrō mangaluludo khō-U,  
moro i sibi ba dōdōgu.
2. Ya' odo niha si lō sōkhi, ba no omasi' Ö Yesu.  
Horögu fefu Öbè aefa, Öbohounido Eheha-U.  
Börö wemōna-Mö, Yesu, zanga' aro' ö tödōgu,  
ba wogamö sa'watögu.
3. Mo' ömödo ba wama' ema, uturiaigö ba niha.  
Fefu zi falukha ndra' odo, nitemagu khō Zo' aya.  
He Ama abölö' ö na, ndra' odo ba wangombakha,  
turia röfa Zo' aya.
4. Tebai manö sa olifudo, wa' ebu a dōdō Nama.  
Ba zi sandrohu fa' aurigu, fa' omasi-U no utema.  
He tosasa, he numana, he göna fa' ate' ala,  
lō uböhöli Zo' aya.
5. Ba matötōna khō-U he Ama, wa Örorogö ndra' aga.  
Börö Nono-U Yesu Keriso, Ono Wondrege Zala'wa.  
Taromali-U gaurifama, si lō tebulö he ara,  
irugi ba gamozua.

*Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö ( irama lagu ).Fatua lö möi ira wolohe föna, ba imane Sangai Agendre:)*

“Da tafasao wasömbatada andre föna Lowalangi,.....Muzizio ita fefu.....  
Manunö ita moroi ba Mbuku Zinunö numero 261

**261. YA'E ZUMANGE** <sup>1</sup>

*Ira'alawe* □

1. Ya' e zumange fasömbata, ma' ohe sumange Yehowa.

*Iramatua*

- Reff* : Ma'andrö khö-U fahowu'ö zumange ni 'ohema khö-Mö
2. Ya'e zumange fasömbata mabe'e soroi ba dödöma.  
*Reff* : Ma'andrö khö-U ....
  3. Ya'e zumange fasömbata buala si'otarai Nama.  
*Reff* : Ma'andrö khö-U ....
  4. Ya'e zumange fasömbata, boto, noso, ba fa'aurima  
*Reff* : Ma'andrö khö-U ....
  5. Ya'e zumange fasömbata, lö irugi zomasi dödö-U.  
*Reff* : Ma'andrö khö-U ....
  6. Ya'e zumange fasömbata, ma'aohasi gölö Zo'aya.  
*Reff* : Ma'andrö khö-U ....

**FANGANDRÖ** : (*Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni'owuloi andrö*)

## 8. KOOR/VOKAL GROUP

- SA** : Da tafaogö dödöda ba wanuno Lowalangi faoma sinunö ni'olohesi:  
Koor ba Vokal Group
- a. Koor Jemaat
  - b. Kegiati Komisi Bapak (Koor/Vokal Grup)
  - c. Kegiati sektor 2 (Koor/Vokal Grup)
  - d. ....

## 9. MANUNÖ

- SA** : Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

### 163. UHONOGÖ SIBAI DÖDÖGU

1. Uhonogö sibai dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo'ö.

## 10. HUHUAO SEBUA

- SH** : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
- a. Fombaso taroma Li Lowalangi *Sinunö / Mazmur 124:1-8 (Tuho Migu :Fangorifima andrö, ba Döi Yehowa / Pertolongan Kita Adalah Dalam Nama Tuhan)*
  - b. Fanuriaigö
  - c. Nitanö ba dödö. *Sinunö / Mazmur 124:8 (Fangorifima andrö, ba ba döi Yehowa so ia, ba döi Yehowa andrö samazökhi banua siyawa awö danö. /Pertolongan kita adalah dalam nama Tuhan, yang menjadikan langit dan bumi.)*
  - d. Fangandrö Fanga'aro'ö huhuo

- SATO** : Manunö : BZ. Numero 154 : 1

### 154. NO MAFONDRONDRONGO LIU <sup>2</sup>

1. No mafondrondrongo li-U, Lowalangi So 'aya.  
Tanö ba dödöma ia, fa böi olifuga.  
Fahowu 'ö ia khöma, ena 'ö ohahau dödöma fefu.  
Heta ba dödö zi lö sökhi, ma'o 'ö niwa 'ö-U.

## 11. TUHO WAMATI

**SA** : Me no tarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

**SA+SATO** : ❖ Ya'ö mamati khö Lowalangi Ama si lö ambö fa'abölö, somböi banua si yawa awö danö.  
 ❖ Ya'ö mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.  
 ❖ Ya'ö mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

## 12. ANGOMBAKHATA BA MBANUA NIHA KERISO

13. **SA** : Da tafondrongo gangombakhata:.....

## FAMALUA HALÖW FEMANGA GÖ NI'AMONI'Ö

## 14. MANUNÖ

**SA** : Manunö ita moroi ba Mbuku Zinunö **numero: 325 ayati 1-2**

## 325. NA SO BA KHÖDA YESU SO' AYA 1

do = g 3/4

MM = 96 - 104

1. Na so ba khöda Yesu So ' aya bongi ma ' ökhö, awöda Ia.  
 Ahono döddöda he so wamakao.  
 Lö te ' ala ita me Yesu zifao.
2. Sabu döddöda sero ma' ökhö, lö fa' abölö wolawa horö.  
 Ta' ondrasi Yesu sahakhö tödö.  
 Ibe' e Geheha sangabölö' ö.

## 15. FANGANDRÖ SALAHI + FAMATENGE + HOWUHOWU

**SH** : Muzizio ita fefu, mangandrö ita :.....(teto hugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

**SH + SATO** : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatorö banua-U, ba sokhö fa'abölö, awö lakhömi, irugi zi lö aetu. Yaduhu

**SH** : **FAMATENGE + HOWUHOWU** :  
 Mi'angawuli si fao fa'ohahau döddö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :  
 ❖ Ya mufahowu'ö ami/ita Lowalangi, Ya murorogö ami/ita  
 ❖ Ya mufohaga mbawa-Nia Khömi/khöda, Ya mu'ebua'ö döddö-Nia khömi/Khöda  
 ❖ Ya mufalemba hörö-Nia khömi/khöda, Ya mube'e wa ohahau döddö khömi/khöda fefu. Yaduhu

**SATO** : Manunö BZ.Numero 325 ayati 3

## 325. NA SO BA KHÖDA YESU SO' AYA 1

do = g 3/4

MM = 96 - 104

3. Ibe' e khöda Geheha-Nia, fangabölöda ba wasöndrata .  
Wolaŵa afökha udu dödöda.  
Ifemöna ita, ala zatana.

**SH** : YA'AHOWU

**SATO** : YA'AHOWU